

«Ընկ. Ղուկաս Ղուկասեանի և նրա մօտիկ ընկերներ Արմենակ Բու-
դաղեանի և Աղասի Խանջեանի միջոցով, գրում է նա, մենք Երևանում
կատարում էինք կոնսպիրատիւ (գաղտնի) մեր բոլոր գործերը: Թուուցիկներ
տպել և կպցնել պատերին, գրականութիւն փոխադրել, ժողովատեղի գտնել,
նամակ տանել Թիֆլիս՝ Երկրային Կոմիտէ և այլն — այս բոլորը նրանք
կատարում էին արագ, ճիշտ, կոնսպիրացիայի բոլոր օրէնքներով»:

Նոյն Ղ. Ղուկասեանը «1919թ. օգոստոսի վերջերին յատուկ յանձնա-
րարութեամբ անցնում է Դիլիջան, Ղարաքիլիսա, Ալեքսանդրապոլ՝ տեղա-
կան կազմակերպութիւններին յայտնելու Երևանում գումարելիք կուսխոր-
հրդակցութեան, նրա օրակարգի և կազմակերպման հետ կապած հարցերի
մասին»:^{*)}

Բոլշևիկները առանձնապէս ուժեղ էին Ալեքսանդրապոլում: Այստեղի
նրանց կոմիտէն մեծ գումարներ էր ստանում Թիֆլիսից ու Ռուսաստանից,
գաղտնի թերթ էր հրատարակում և քարոզիչներ ու կազմակերպիչներ
ուղարկում երկրի գանազան կողմերը: Հայաստանի և Վրաստանի միջև
գտնուող չէզոք գօտին յենակէտ էր բոլշևիկների համար, որտեղից նրանք,
գաղտնի ճանապարհներով, մարդ, դրամ և գրականութիւն էին ներմուծում
Հայաստան: 1920 թւականի սկզբներին Հայաստանը արդէն թատերաբեմ էր
բոլշևիկեան գործօն պրոպագանդի և կազմակերպութեան:

Կառավարութիւնը տեղեակ էր բոլշևիկների գործունէութեան, բայց
դանդաղում էր վճռական միջոցներ ձեռք առնելու: Ներքին գործոց նախա-
րարութիւնը մօտից հետևում էր նրանց գաղտնի շարժումներին ու պարա-
զլուխների քայլերին, ծանօթ էր նրանց ծրագիրներին և բանակի ու
բանւորութեան մէջ մղած հակակառավարական պրոպագանդին: Հայաստանի
քաղաքական հետախուզութեան և պահեստի միլիցիայի գլուխը կանգնած
էր Լևոն Դալանթարեանի պէս մի հմուտ ու եռանդուն գործիչ, որի տեսո-
ղութիւնից խուսափելը շատ էլ հեշտ չէր: Բայց կառավարութիւնը դանդա-
ղում էր վճռական միջոցներ ձեռք առնել: Հոգեբանօրէն պատրաստ չէր «մեղ
պէս ընկերվարական կոմունիստներին», «մեր երէկւայ ընկերներին» ձեռ-
բակալելու: Կար և Վրաստանի օրինակը. դեռ երէկ Հայաստանի հասարակաց
կարծիքը այնպէս խիստ դատապարտում էր վրաց մենշևիկների գործադրած
դաժան միջոցները բոլշևիկների դէմ — հիմա ի՞նչպէս անել նոյնը մեղ մօտ:

Սակայն, թէ Դաշնակցութեան մէջ և թէ չէզոք շրջաններում կար և
հակառակ վերաբերում. ամէն կողմից մատնանշում էր այն վտանգը, որ
բոլշևիկները կարող են հասցնել Հայաստանին: Այս տրամադրութեան և
եղած պահանջների հետևանքով, ներքին գործոց նախարարութիւնը, յունւ.
31-ին Երևանում և Դիլիջանում ձերբակալեց մի քանի կոմունիստներ:

Այս փաստը բոլշևիկներն ընդունեցին իրրեւ մարտահրաւէր: Մի քանի
օր անցած, սոցիալ-դեմոկրատ գործիչ Արշակ Զոհրաբեանի յուղարկաւո-
րութեան առթիւ, նրանք կազմակերպեցին ազմկոտ մի ցոյց, որի նպատակն

^{*)} «Սորհրդ. Հայաստան», 14 մայիս, 1927.